

حجره الصوفیه

شیمدیاك هفته ده بر نشر اولنور .

امور اداره ونعیریه واعلانات وسائر
ایچون مدیر مسئوله مراجعت ابدلیدر.

مرقای امتك مقالات منصوفانه لرینه
جریده صوفیه تك صیفه لری
آچقیدر .

ابونه سی : بر سنك اعتبارله ممالك
عئانه ایچون ۴۰ آلتی آیلنی ۲۵ هوش
ومالك اجنبیه ایچون اون ابکی فرانقندر

عمل اداره باب عالی جوارنده ابوالسعود
جاده سنده نجم استقال مطبعه سی

تصوفی ، دینی ، اخلاق ، سیاسی جریده اسلامیه در

استغفرالله ، استغفرالله !

برشته دویدم لانتظودن ، منکر می بینم ؟ اولدمسه عاصی
کیملر ایچوندر « من رحمة الله » ؟ محروم اولورسه اهل معاصی

استغفرالله ، استغفرالله !

جرم له جرأت ایتدم نیازه ، خیر وثوابه یوق استنادم
عزیم قویدر ، جزم محقق ، ناپاك ایسه مده پاك اعتقادم

استغفرالله ، استغفرالله !

توبه آسمی ! توبه آسمی ! عفو ایت ذنوبم غفار سنك
توبه الهی ! توبه آسمی ! ستر ایت عیوبم ستار سنك

استغفرالله ، استغفرالله !

بر دردمندم درمانه کلام ، خسرانه دوشدم ایمانه کلام
کفرانی کوردم . غفرانه کلام ، دلشنه قالدیم عمانه کلام

استغفرالله ، استغفرالله !

بر دلفکارم خوف ورجاده سندن عنایت ، سندن هدایت
بن توبه کارم ، روح التجاده سندن هدایت . سندن عنایت

استغفرالله ، استغفرالله !

توبه مده واردر بر نور امید ، نومید اولور می سعدی قوالک هیچ ؟
ای رب ارحم شوق جالک ایتزمی قلم پر شوق ونهیج

استغفرالله ، استغفرالله !

معلم سعدی

استغفرالله !

بر عذر خواهم ، عذرم کنانهم استغفرالله ، استغفرالله
ککشته راهم ، سنك پناهم استغفرالله ، استغفرالله

استغفرالله ، استغفرالله !

بر مجرم بن ، مقرون ذلت ، لایق ده اولسم نارنجیمه
نارمدن اول نور نجاتم یوکسه مسینمی ؟ رب الرحیمه

استغفرالله ، استغفرالله !

سبحانك الله ، سبحانك الله رب غفورك واضح دایل
نور نجاتم ، فیض حیاتم « توبوا الى الله امر جلیلی

استغفرالله ، استغفرالله !

منقاد امرم ، حقه بونه لدم ، بر سجده ایتدم اللهم الله !
لرزان ، لرزان قویدی یورم کدن تبت الى الله ، تبت الى الله

استغفرالله ، استغفرالله !

قلبده سوزش ، عظم پریشان استغفرالله من کل ذنب
ایتدکارمدن اولدم پشیمان استغفرالله یوز کره یوز بیک

استغفرالله ، استغفرالله !

ای آه توبه ! دل باغری می دل ای سوزینه سن یاق کنانهم
ای روح پاک کیت عرشه یوکسه عرض ایت حضوره حال تباهم

بریدر . (خیرالخبار) ک روایت کوره ملتنه هم ناصح ، هم موقعیتی
سایح برپادشاه ایمش ا ملکتنری حق وعدله رعایه کز مه سندن کنایه
اولارق (طیار) عنوان فاخری قزاعشدر . هند بویه برتورک خاقانی
کوردیکندن افخار ایدر . هنده کان سلاطین اکثریتله معتقد ، یک
آزی صفت جبروت بورونه رک کورونمش ، بهضیی جذبلمه مستغرق ، در
فقط بزهند کی واسع واداره سی کوچ ، مختلف فکر وعرقه منسوب
انسان طبقه لری بولن برملکنده اداره انجق براز جبروتی حالات ایله
مکن اوله بیه جکئی تسلیم وتقدير ایدلرده نر . هند حکمدارلری سلاله
آل عثمان کی همان جمله سی بررطریقه منسوبدرلر . خاندان آل عثمان
اکثریتله طریق مولوی بی اختیار بیورمشدر .

بالکز سلطان مراد رابع باباسی سلطان احمد کی طریق قادری بی
اختیار ابتدیی کی دیگر برخاقانده آفریقا طریق لردن طریق شاذلی به
انتساب ایشدر . فاتح سلطان محمد ، سلطان سلیم اول ، سلطان عبدالعزیز
هیچ برطریقه تمایل ایتماشدر :

هند خاقانلری ایسه همان همان اکثریت بهین بر صورتده قادری
الطریقدرلر : ایچلردن (طیار احمدخان) طریق خواجکانه منسوبدر . هنده
طنطنه ایله کشاد ایتدردیکی خاقانلرده اصول خواجکائی احیا ، آب
روان نقشندبه ایله اکثاف دهلی بی اروا ایشدر . جاذب ، سایح ،
سایح اولان طیار احمد خان فقرا پرست اولمده اثر خواجکانه افتاء
وظیفه ایدنیکئی توزیع ارزاق کفتندن تلذذ ایشدر . مستطیل الشکل
بر مهر خاقانیسی اولوب [خاتم باب الغریب] یازیلی ایمش ا اوج
مخدومندن یالکز (غلام علی خان) کندیسه پیرو اولمش ، (سلیمان ،
جوادخدا بنده) عصیان ایشدر . اجرای حکومت ایتدیکئی بش سینه نظرندده
هندک عمر ابن عبدالعزیز اولمش ، ارنخالنده برصاری ایله بر کوملکی
قرق ، الی باش حیوانندن ماعدا برشی جیقمامشدر . اسکات اینن ،
انعام اهل حزین کندیسه نجه بر عبادت قدر معزز بیلدیکندن عادات
صوفیه به بو وظیفه بی بالذات ایفا ایله شرفیاب اولدیننی مقام شکرانده
خطراتنده بازمشدر : ایشته هند تورکلی بویه خاقانلرده کورمشدر ،
حشمتلره بدل منم قابلر ، محسن خدمتلره مظهر اولمشدر .

قلعه سلطانیه لی

ابن الرحمنی

اخلاقه دائر :

توکل - بطائت

توکل ، تسلیمیت معنسانه کلدیکی کی اصطلاح شرع شریفده عموم
مخلوقات ذوی الارواحک رزقی ورن منم حقیقی به قارشی - هر نه قدر
طلب رزق خصوصنده اسبابه توسل ایتک شرط اعظم ایسهده - انسان

کندی بر طفل شیرخواره قیاساً سن طفولیت مزک ایلک چاغنده هیچ بر
شیدن بی خبر ، مصوم بر صبی ایکن آنا قوجاغنده برحس محبت
وشفتت الحآ آتی سویلوب اوخشانه رق بسلندیکمزی نخطر ایله نصلکه
خالق اعظم ، اوصی نابالغی بیونجه به قدر آنا سودیله بسلندیریورسه ،
ایشته اوله به هر مخلوق ذی حیالکده سبیل سیسز رزقی ویرمه قادر
اولدینی اعتقادنده بولمقدر صورتده تعریف اولنور . یعنی ، مسئله بی
بر آزدها ایضاج ایتدیکمز تقدیرده توکل کنه وحقیقی ، رزق طای
ایچون دنیوی اکنتساب ایتدیکک بر ایشده عون حقه استناد آفوق الاماده
موفقیت الدمه ایدوب مظهر رفاه سعادت اولدیکک هکامده خالقنه شکر
ومحمدنی ایفا ، بالعکس حکمه طالع ناسازک عدم مساعده سی اولنی اوزره
سمیک مکافاتنی کورمک شویه طورسون ، آتی بر فلاکت ، عدم
موفقیت کی بر ایداره مروض قالرق سلفات بقانه چو کدیکی زمانده
ایسه ، ینه خالقندن امید کسمکمزین شو طارلقدن فرجه چیقچه به
قدر صبری اختیار ایتکله تعین ایدر .

مثلاً : برجتهجی تارلاسی سوروب اکیننی اکهر ، بده اوا کیندن
آئیده آلهجی محصول ایچون خالقنک لطف وعظمتنه توکاله نظرارده
بولنور . وقتاکه موسر حصاد کایر ، برده باقارکه رازق حقیقی ، اوسنه
صیق صیق رحمتنک انزالی وطور پراغه ویرمش اولدینی فیض وبرکت
سایه سنده بره الی یوز محصول احسان ایمش ، و بهض سینه اولورکه ،
فقدان مطر ، سائر بعض آفات سناویدن دولایی بره یوز دکل ، صفر
آلمش بولنور ، نتیجه ، عاقل و اوطور مقسزین سی و شبانی الدن
براقه برق انعام واحسان ، انجق ذات عظمت الیه به منحصر اولدینی
اعتقادنده بولنور سیق ، اولزمان توکل بابنه بحق یایشمش اولوب
(قَتَوْا کُلَّوْا اِنْ کُنْتُمْ مُؤْمِنِیْنَ اِنَّ اللّٰهَ یُحِبُّ الْمُتَوَكِّلِیْنَ) سر جایانه مظهر
اولمش اولورز .

کلهلم بطائت بحثنه : بطائت ، تورکجه تبالک مناسنه کایرکه ،
متشاء فساد اخلاق اولان بر حالت سینه بولماسی یوزدن بشریت ،
بونکله ندنی واقراضه محکوم اولدینی شه سزدر . توکلکی ، جناب حقک
هر قولنه هیچ چالشمه مقسزین اوطوردینی برده رزقی ویر طرزنده
یا کایش اکلایوب او بولده تفسیر ایدن بهض سبکمزان ، نه قدر خطایه
واردقارندن کندیاریده بی خبردرلر . چونکه : خالق اعظم ، هر قولنی
اوطوردینی برده بلا تعب مطابقا ترزق ایدر دیمک بشقه ، بلا تعب
ترزق خصوصنده بعض استئنا آدن صرفنظر ، جمله مزک اوطوردینمز
برده رزقزی ویرمک ید قدرت الیه سنده اولدینی اعتقاد ایدوب
انجق دنیوی قانون الیه ایجابانی ، هر قولک رزقی ویرمک ایچون
اسباب دنیویه توسل ایتکی شرط قیامشدر دیمک بشقه قدر . اولکی
قضیه قایله رق عطالتی اختیار ایتدیکمز تقدیرده بیهلرک کندیمزی
چاه اقراضه آتوب بو یوزدن باشمزه کلن بلیه به کندیمزی سببیت ویرمش
اولور وایکنجی نظریه به تبعیتله خط حرکتی تعیین ایتدیکمز خالده

ایسه . فلاحه ابرمش بولنورز . نه حاجت ا... وقوعات تاریخیه
عطف نظرله حق و حقیقت اوغرنده انسانلری بر انسان کامل هیئتیه
قویغه اوغراشان . من طرف الله ارشاده مأمور پیغمبران عظام علیهم
الصلوة والسلام حضراتیه دیگر اقوام منقرضه نك احوالی ندقیق
ایتدی کمزده هر ایکی صنفك بپنده طاغ قدر فرق اولدیفنی ا کلامیه حق
هیچ بر کیمسه قالماز . ایلک اول کسب ایلله رزق الله ایتمکی بالقول
انسانلره کوستروب اوکره نمن مشارالیه هم حضراتی اولمشدر . اوت ،
آدم علیه السلام اولاد لرندن حضرت ادریس (ع ل) لباس دیکمک
صنعتی ایجاد ایتمشدر . ایلک کی انشا ایدن حضرت نوح علیه السلام
اولمشدر . حضرت داود (ع ل) زره لباس یامق صنعتی ایجاد ایدوب
معجزه پیغمبری اولماق اوزره دمیری الله بلمو می کی بوموشانه رق
ایستدیک شیکله قدر و بو وجهله بومیه ایکی زره لباس یاپوب ساتار هر
ایکینک اثمانندن برنی تصدق و دیگرنی عائله نك اعاشه منه صرف
ایدردی . فخر کائنات علیه الصلوة والسلام ائندمن حضرتلری . شرف
نبوتله مبشر اولمندن اقدم ایلک زوجه مطهره پیغمبری خدیجه الکبری
رضی الله عنها والده من واسطه سیله تجارتله مشغول اولوب دومرله شامه
مال آلوب کتیر لرلردی ، صحابه کرامدن دحیه الکلبی ، سلمان فارسی کی
نامدار ذوات رضی الله عنهم اجمعین بك زنکی ایدیلر . سلمان بولنردن
فارسی رضی الله عنه ، کندی نفقه سنی تدارک خصوصنده ثروت موجوده منه
طوق و تقسیرین حرام مال بمکدن تحاشی ایلله خرما دالندن زنبیل اوره رک
ساتار و اثمانیه اعاشه سنی تأمین ایدر ایدی . والحاصل مشارالیه هم
حضراتنک هیچ بری بطائی اختیار ایتدیکسزین هر برلری بر کسب
ایلله مشغول اولورق حلال نفقه تدارکنه چالشمش اولدقلری افادات
سالفدن ا کلاشلمش و بوندن ده بطائتک کرک دیناً و کرک قانون مدینت
نقطه نظرندن مذموم برحالت اولدیفنی تبیین ایتمش اولدی .

محمد حلمی

اَدَبِیَّات

نعت نبی

ایله ای خامه رنگین ادا	خدمت نعت نبی ایفا
یازدیغک نعت اوله ای صاف ضمیر	مصحف حسنه تفسیر کبیر
اوله مدح ایلله که شاه رسل	یعنی او هادی خیر سبیل
اوقوبوب نعتکی اولسون حیران	نکته - نیجان جهان عرفان
دیلر خلق جهان فانی	سکا کعب ابن زهیر ثانی
بیلیم عشق نبی وار سنده	پیرو اول حضرت کعبه سنده
سنده آنک کی منفور اوله نك	لطف و احسانله مسرور اوله نك
اتباع ایلله رسول الله	عاشق اول سن اومنور ماهه

باب بیت الحرمه وار دیز چوک
باشکی طاشلره چال ایلله نیاز
چیقاروب کولاره آم و واهی
نظر مرحمت روح نبی
نظر فیض اثر خیر بشر
ذاتی مرآت جمال مولی
دُر یکدانه بحر وحدت
نه قدر ایلدی رونق اعطا
وجه پاک ایکی عالم کونشی
شب معراجده اول پیغمبر
ایاغی الله جبریل عظیم
جبریلک نامنی ایتدی اعلا
شمس تابان جهان ایمان
احمد الخالق نبی محمود
ذاتیدر مظهر اسما و صفات
ای بهین کوه کز مخفی
دیددی او قائل قول لولاک الخ
هانکی پیغمبره مخصوص بو کرم
سنی مرسلار ایچندن آنخوق
ایتدی توقیر ایلله دست تقدیر
دهری تنویر ایچون ای ماه تمام
ایتدی ذاتکله خدا بدر بدور
ماحی کفر و ضلالت سنک
حد لله که خداوند غنی
سنی ای شمس معلا پایه
بولدی نورکله جهان نازه حیات
ایتدی ماننده خورشید منیر
اولدک ای ذات عظیم الثانی
سنک ای خواجه اهل دوسرا
سنک ای ناطق وحی رحمان
سنک ای ناصر شرع ظرا
سنی خلق ایلدیکندن البت
سنک اخلاقکه ای جان جهان
باشقه سوز استه من الله غنی
مابعدی وار

عین فواره کی باشلر دوک
سنی عفو ایلسون اول واقف راز
ایلله خوشنود رسول اللهی
ایلسون سینگی آینه کی
کشی بی غرق یم نور ایلر
قلب پاک یم فیاض خدا
بهترین کوه کز حکمت
صدف دهره او دریکتا
ایکی عالمه آنک بوقدر اشی
نقل ایدلز که نعل کوردی نعل
قنادین بادی برای تعظیم
خدمت درکه محبوب خدا
بدر رخشان سماء ایتان
احسن الخلق حبیب معبود
آل و اصحابنه اولسون صلوات
ای اولان عالمه ساری نفی
ذات والا که (وما ارسلناک الخ
سویله ای فخر رسل ، بحر هم
رحمت عالمیان ایلدی حق
مسکله طینت پاک تخمیر
سنی خلق ایلدی رب علام
ظلمت آباد جهانی پر نور
شه اقلیم حقیقت سنک
کرم ایتدی بزه کوندردی سنی
ایتدی طاق فلک پیرایه
اولدی نابود جهانندن ظلمات
یوزیکک نوری جهانی تنویر
نسخه معرفت ربانی
محض رحمت ، قر برج علا
بحر همان لآلی افشان
حقندن انسانلره بر لطف و عطا
افتخار ایتده دست قدرت
اولدی بالجله خلاقی حیران
ایلمش ذاته مرآت سنی
ع . رضا

نعت شریف

اولم ابدی عاشق دیدار محمد
وجد آور ایدر عاشق رخسار محمد